



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

De Pontificibus Schismaticis, qui a sede suadeiecti, Ordinem Monasticum Benedictinum profiteri coacti sunt. cap. VI.

urn:nbn:de:hbz:466:1-38372

patur. Hæc ille, quem sequitur Paninus in vtroque Chronico Pontificum, scilicet Rom. & Ecclesiastico. In vtroque Epitome vero, in folio videlicet, & quarto, sententiam mutans Paschalem semper appellat: cui suffragatur Gilbertus Genebrardus lib. 4. Chronologie. Platina loco citato, prioris quidem nominis, Joannis nimirum meminit, at posterius retinet. Nos cum Genebrardo, & Panino, Paschalis nomen retinimus; si qui tamen Callistum sequi velint, non impugnamus. Et hæc de nomine. De morte eius quando, vel quomodo, vel ubi acciderit, nihil quod proferam habeo.

De Pontificibus Schismaticis, qui à Sede sua deiectioni, Ordinem Monasticum Benedictinum profiteri coacti sunt:

juxta illud,

Imple facies eorum ignominia, & querent nomen tuum

Domine. Psal. 82. Cap. V I.

CONSTANTINVS II.



CONSTANTINVS II. Junior, Nepesinus Ducis Nepesini filius, cum fratrum suorum vi cõtra Canones, laicus; Pontifex creatus fuisset, A. C. 767. Ind. 5. die 4. cal. Julij. & sequenti consecratus; coactus abdicavit Pontificatus sui anno 1. mense 1. die 1. Laterani, 7. idus Augusti, & in Monasterio Cella Nonæ, Congregationis primæ Benedictinæ, effossis oculis relegatus, ac Monachi habitu indutus, in eodem consenescens obiit. Platina in vita Stephani III. Papæ. Paninus in Epitome & Chronico, & alij nonnulli.

CHRISTOPHORVS.

CHRISTOPHORVS, Leonis filius, Romanus, S. R. E. Presbyter tituli S. Laurentij, & Damasi: ex summo folio, septimo sessionis suæ mense, tertio nonas Februarij, A. C. 906. Indiæ. 10. deiectus, & Monachus factus in Monasterio Casinensi, non longè post moriens in Monasterio suo sepultus est. Platina, Paninus, & Gorsalmus Illefcas lib. 6. cap. 30. hist. Pontif. & Bugianus colloquio primo.

BENEDICTVS V.

BENEDICTVS, Papa V. Romanus, S. R. E. Diaconus Cardinalis,

dinalis, in schismate contra Leonem VIII. creatus A. C. 964. Ind. 7. coactus abdicavit eodem anno 9. calendas Iulij, & in exilium, Hamburgi Saxonie oppido actus, & Monachus factus, ibidem anno sequenti 965. Indict. 8. mortuus in Cathedrali Hamburgensi sepultus est.

ANNOTATIO.

Vocatur hic ab Alberto Abbate Stadensi in Chronico suo, in quo Monachum fuisse asserit, quartus huius nominis; quod vel sua negligentia, aut certe librariorum incuria, factum putamus. Benedictus enim 1111. Romæ in pace quievit: hic vero Hamburgi, ut referunt cum eo Platina, Panuinus, & alij Germanici Scriptores.

ALBERTVS.

Albertus Attellanus (sive ut nunc dicimus Auerfanus) postquam in schismate contra Paschalem II. menses 4. sedisset; à militibus ipsius captus coactus abdicavit A. C. 1101. Ind. 9. & in Monasterio Sancti Laurentij, eiusdem Ciuitatis Auerse Congregationis Cluniacensis relegatus, ibidem Monachus diem clausit: *Auctores citati.*

MAGINVLPHVS.

MAGINVLPHVS Romanus, contra Paschalem II. in schismate creatus A. C. 1102. Ind. 10. post aliquot menses ab ipsius Pontificis fidelibus detentus, ac Pontificatu abdicare coactus, & in Monasterio Cauensi Congregationis Cluniacensis Monachali habitu indutus non longè post animi dolore moriens, periculoso schismati finem posuit. *Panuinus in Epitome, & Chronico, & alij nonnulli.*

GREGORIVS VIII.

GREGORIVS VIII. Burdinus antea vocatus, sed qui in assumptione Archiepiscopatus Bracarenfis in Hispania, Mauritij sibi nomen imposuit; natione Gallus (non autem Hispanus, ut perperam volunt, Panuinus, & alij) patria Lemouicensis, in Schismate contra Gelasium II. ab Imp. Hemico. V. creatus A. C. 1118. Ind. 11. mense Aprilis; Quarto Pontificatus sui anno Christi, 1121. Ind. 14. abdicare coactus, in Turri Casinensis Cœnobij primum à Calisto II. inclusus, deinde in Monasterio Cauensi Sanctæ Trinitatis Congregationis Cluniacensis, ab Honorio II. relegatus, ibidem in Monastico habitu, vsque ad tempora Eugenij Papæ III. superuixit. *Rodericus Toletanus de rebus Hispaniæ lib. 6. cap. 28. Platina in vita Calisti II. Papæ. F. Omusrius Panuinus in Chronico, & Epitome Pontificum Romanorum, & alij infiniti.*

De